

1749 5. apríl**Konungsbréf (til biskups), er löggildir
máldagabók Gísla biskups Jónssonar**

Vér höfum orðið þess áskynja af allraþegnsamlegustu bréfi þínu 10. júní f.á., að í stiftskistunni í Skálholtsstifti, sem þú erit allranáðarsamlegast skipaður yfir, sé, auk hinna gömlu svokölluðu máldagabókar Vilchins biskups eða kirkjuregisturs, sem löggilt var með 16. gr. í erindisbréfi biskupa á Vorulandi Íslandi, annað kirkjuregistrur, sem fyrrverandi biskup í Skálholtsstifti, herra Gísli heitinn Jónsson, að hafa samið árið 1575; tjáist registrur þetta aðeins vera óstaðfest eftirrit, en konsistorialrétturinn á árið 1710 að hafa á landsþinginu kveðið upp það álit sitt, að það væri hið elsta og áreiðanlegasta kirkjuregistrur sem til væri í stiftinu, því að í því eiga

að vera talðar kirkjur nokkrar og réttindi þeirra, sem þær eiga enn þá, en eigi eru talin í Vilchins máldagabók, sem heldur eigi tjáist telja allar kirkjur í stiftinu. Fyrir því gefum Vér þér hér með til vitundar, að Oss hefur allramildilegast þóknast . . . auk fyrnefnðs kirkjuregistrurs Vilchins biskups sem þegar hefur löggilt verið í Skálholtsstifti með 16. gr. í erindisbréfi biskupanna, að löggilda einnig allramildilegast fyrtéð kirkjuregistrur eða máldagabók, sem þáverandi biskup yfir Skálholtsstifti, Gísli heitinn Jónsson, samdi árið 1575, og viljum Vér því allramildilegast, að þó að eftirrit það af regstri þessu, sem er í stiftskistunni, sé óstaðfest, þá skuli regstrið eins fyrir það vera talið áreiðanlegt og authentiskt kirkjuregistrur; þó skal að öðru leyti farið eftir oftnefndri 16. gr. í erindisbréfi því, er allramildilegast hefur verið útgefíð handa biskupum á Íslandi.